

Rehendê Kurdistanî yê Projeya Rojhelata Navîn a nû – (1)

Selah Bedredîn.....

Ji dema naskirina wê ve, axaftin û guftûgo derbarê giringiya devera Rojhilata navîn ji ber seymên wê yê stratîcîk û naskirî weke cih û petrolû pîrnegiya çandî ranewestiyaye, ev giringiya ko di demên dawî de bêtir bûye ji ber guherîna wê bo qada şerê erebî-îsraîlî û bûyer û rûdanên leşkerî ko bi piranî ji derveyî vîn û berjewendiyên milleten deverê ne û bêtir rengên nakokiyên navneteweyî li dor kartêkirin û sûdemenidyan werdigrin, her weha ji ber gurbûna diyardeya terorê û biveyên rêjîmên dîktator di gelek welatên deverê de weke astengiyekê li pêşiya pêşveçûnê û jêderekê ji karûbarên tundûtîjîya sîstematîk di heman demêde Nêrîn derbarê pênasekirina wê a cografîk û dîrokî û destnîşankirina pêkhatiyên wê yê neteweyî û danîştîyên wê yê eslî û nasnameya wê a rewşenbîrî û şaristanî û asoyên paşeroja milletên wê cida ne, her weha derbarê sedem û wate û naverokên qeyranên kevnare yê navçeyê û diyardeyên wê yê berbi zêdebûnê ve yê aborî û civakî û siyasî û di pêşî de kêşeyên tenahî û seqamgîrî û rizgariya gel û neteweyan nexasime kêşeya kurdî û a filistinî. Tiştê seyr ew e ko komelgeha navneteweyî û bi taybetî dewletên ko ji dehan sal ve dever dagîr û mandate û bîndest kirine hêjî guh nadin pîrsgirêk û pêwîstiyên xelkên wê û çanda milletên wê û pîrbûna neteweyên wê. Bûyer û rûdanên rabirdû ji dora sedsalekê ve tekez dikin ko bingeha qeyrana

navçeyê di bêçaretiya herdemî bo çareserkirina pîrsgirêka niştimanî de ye tevî rêxistinkirin û pêkanîna dozên demokartîzekirina rêjîmên deselatdar û serdestiya yasayê û azadiya gelan û pêşveçûna wan a civakî û hevjana aştiyane di navbera pêkhatiyên neteweyî di welatên firenetewe de li gor bingeha mafê neteweyan di destnîşankirina çarenûsa xwe de û perensîpên hevpişkiya adilane di warê deselat û samanê de û rizamendiya arezû derbarê kêşeyên çarenûsî di welatên navçeyê de. Bê guman, ev erkên navhatî ji dehan sal ve bi cî nehatin û ew vedigerin rojên pêşîn yê dagîrkirina deverê û mandatekirin û dabêşkirina wê û parvekirina deverên kartêkirinê li berjewendiya hêzên navneteweyî piştî herdû cengên cîhanî bê ti guhdanê ji rastî û azwer û vîna gelên wê re, her weha hindek guherînên nû ji dema rawestandina şerê sar ve di dawiya sedsala buhûrî de pêkhatine, tiştê ko bû sedemê peydebûna rengê nû ji nakokiya di jiyana siyasî ya gelên navçeyê de ko li dora proseya jinûavakirina sîstema herêmî a rojhilata navîn dicive ko bibe alîkar di warê mafwergirtina bêparan û bicihanîna mafan hinde ko bi aso û pêşveçûn û verêjên sîstema cîhaniya nû ve ya ilankirî ji dema ji holê rabûna wargeha sovêti ve li hev were nemaze li ser zimanê serokê amerîkî Bus ê bav dema derxistina hêzên iraqî yê dagîrker ji Kuwêti di despêka salên 90-î ji sedsala buhûrî. Ev sîstema ko hate girêdan

weke bi hindek perensîpên sereke ve li berjewendiyê pêşeroja mirovahiyê wek: bihêzkirina seqamgîriyê û aşîti û şerkirin li dijî terore û rêzgirtina mafê neteweyan di destnîşankirina çarenûsa xwe de di nav de qedexekirina tepeseriya neteweyî û nijadperestî û jinûvemezandina li pîrsgîrêkên sinor ê ko piştî cenga cîhaniya diwem hatine danîn û pênasakirina serdestiyê bi nermahî û vekirbûn û rêzgirtina mafên mirovan û belavkirina demokrasîyê û veqerandina mafên jinê û piştgirîkirina aboriya azad û geşepêdanê, ev perensîpên ko li gor pêwîstiyên milletên me ne, nexasime milletê kurd, her weha dibine motîvek berev gera li rêyên danûsitandin û arîkarî û hemahengîkirin bi hêzên cîhanî re yê ko ew pêşkêşkirin û pêgirêdana xwe pêve eşker kirine û di nav de dewletên yekbûyî yê amerîka (DYA) û ewropa û hêzên herêmî û hêzên guherîna demokratîk yê li welatên rojhilata navîna"nû" hene ya ko ji 22 dewletên erebî li rojava û rojhilat tevî tirkîyê û îran û îsrail û efxanistan û pakîstanê tê hev.

Nêrîn û dîtin derbarê dosiyeya-rojhilata navîna nû:

Diyar e ko ev dosiyeye bi gelek egeran bibandor dibe û jinûveavakirina deverê girêdayî vîna milletên wê û vîna navneteweyî ye. Eger ko milletên deverê bi piranî hêviya jiyaneke baştir û guherîn û çaksazî û hevjiyana birûmet û seqamgîrî û destnîşankirina çarenûsa xwe li gor xwe dikin tevî hebûna astengî û rikeberiyên ji layê hêzên tarî û paşketin û terore ve ko nayêne tunekirin bê peydekirina palipiştîya navneteweyî, li vir pêwîst e nêrîna navneteweyî ji hêzên mezîna û ramangîr û stratîcîzan li dora gerana li rojhilat navîneka nû pêşbîn bikin. Di vê hewdilana xwe de, em dê dûrî nêrînên

amade û şîroveyên pilanger û şermzarkirina hazir derheqê hertiştê ji derv eve tê wek ko tê bikaranîn ji layê hindek minberên ragihandinê di welatên navçeyê de, bikevin. Dawîrîn pêşniyar a vê konseptê ji aliyê wezîra derva ya dewleta herî mezîna ve hate eşkerkirin derbarê şerê lubnanê yê dawî di havîna buhurî de dema seredana wê ji deverê re wekû veguhastineke tayebt û hûrbîn di warê kurtkirina maweya ciyo-siyasî ya rojhilata navîn ji ya mezîna ko hijmreke mezintir ji welatên asiya yê û beşek ji efrîqiya hembêz dikir berev rojhilata navîn a nû û piçûktir weke ko me li jor da xuyakirin ko heye bibe despêka rêya pêkanîna guherînan di warê stratîcîya emerîkiya giştî de li deverê, û hindekên din wê mîna wêneyekê ji dudilî û ne seqamgîriyê û nebûna konevaniyeke emerîkî ya pêdar derbarê navçeyê de û hindek î din ew mîna hewildana destnîşankirineke zû û geşbîn derheqê encamên siyasî yê cenga vekirî li iraq û efxanistan û lubnan û filistinê ji aliyê berpîrsa dîplomasiya emerîkî derbarê avakirina rojhilat navîneke nû bê terore di bin saya demokrasî û aşîti û seqamgîriyê de piştî kêmkirin anjî nehiştina girûpên terorîst nexasime rêxistinên-Islama Siyasîyên tunderew – di nav de Qaîde – ya ko tundîtîjiya kor mîna alavekê berev serdestiyê bikartîne û rêjîmên despotîc nemaze li sûriyê û îran ko bi hev re tiştê ko bi "hevpeymana dijayetîker" tê binavkirin, dibînin. Hîn ji mêj ve, birêz Şemûn Pîrêz di sala 1993-an de projeya"rojhilata navîn a nû" di çarçoveya berjewendî û pijirandina dewleta cihî de guftûgo kiriye, birêz "Fred Holliday" jî wê mîna damizrandina"rojvaya asiya mezîna" rave dike, her weha ew di daxuanîya emerîkî de di 4/9/1991-ê de weke hewildanekê di warê

pênasekirineke nû ji rojhilata navîn re hate xuyakirin û di 12-ê dîsembere 2002-an de birêz Kolin Paul mûbadereya hevpişkiyê di navbera dewletên yekbûyî û rojhilata navîn de destpêkir ya ko di çarçoveya "startîciya guherîna mezin" de weke ko birêz Con Liwîs Gadîs wekû despêka serdemeke nû ji ramana stratîciya emerîkî piştî bûyerên septembara 2001 bilêv dike, her weha semyanên projeya rojhilata navîna a nû di "stratîciya ewlekariya neteweyî a dewletên yekbûyî yê amerîka" anjî tiştê ko hate naskirin bi navê "bawermendiya Bush" ya ko serok ew radestî Kongirêsê kir di 20/9/2002-an de kir hatine xuyakirin û ev pêşveçûn mîna bicîanîna pêşbîniyên birêz Hinrî Kêserer dema ko di dawiya sala 2001-an de daxuyakirin ko êrîşên septembarê wê encam bide di formkirina sîstema cîhanî di sedsala 21-an de ya ko her weha di rapora "komîteya emerîkî ya ewlekariya neteweyî sedsala 21-an" ko ew jî komîteyeke rawêjkarî federe ye ko bi navê komîteya "Hart-Rodman" tê naskirin li ser bingeha ko wê karê xwe despêka 2001-an de xilaskiriyê. Semyanên berz ji hemî rêveçûnên behskirî re ew bû dagirtina valahiyê li devera rojhilata navîn piştî nemana yekîtiya sovêti û kêşeyên aşiti û cengê di navbera ereb û israilê de û fakterê demografîk û mafên mirovan û afiretê û belavbûna islam û teror di devereke cografî ko tevahiya dewletên erebî û israil û tirkîyê û îran û asiya navîn û qefqasiya û nîvparzemîna hindî, hembêz dike. Hêjayî gotinê ye ko projeya rojhilata navîn hatiye pijirandin di zîrveya her 8 dewletên mezin G8 di 13/2/2004-an de piştî ko naveroka wê hate piştgirîkirin bi dozên guherîna demokrat û civaka sivil û aboriya azad û arîkariya navneteweyî û hîlbijartinên azad û ragihandina serbixwe û şefafiyet û şerkirina li dijî genedeliyê û

finansekirina projeyên geşepêdanê û derfetên aborî ji dewletên navçeyê re ûdamizrandina instûtên meşqkirinê.

Kêşeya neteweyî û dosiyaya "rojhilata navîna nû":

Mebesta me ew e ko doza mafê gel û neteweyan ko bê çareserî mane heta niha di destnîşankirina çarenûsa xwe de ko jêdereke sereke di warê peydebûna ceng û nakokîyan û geşbûna terorê di bin gelek nav û navnîşanan de, form dike. Hesesiyeta rojavayê bi giştî ji pirsgerêkên neteweyî ji ber ezmûnên wê yê kesinî(bîranînên wêran û kilametên tevgerên nazî û faşîst li ewropa û karesatên cenga sivil a emerîka)û dûrketina ji ewlebûna bi kêşeyên adilane yê milletên têkoşer di ware rizagriya niştimanî li dirêjahiya dîroka xwe ya dagîriyê de ya li dijî kapma sosyalist ko berê nêzîktir bû ji dozên milletan, vane hişt ko ew xwezaya bizavên rizgarîxwazên neteweyî yê aşîxwaz û armancên wan yê adilane û pîrsa ko parçeyekî bingehînî ne di proseya demokartîk ûlihemberderketina dijî terora tunderew-şovonî û olperestî-tênegehe, lê derbasbûna demê hişt ko pêşveçûneke erênî di vî biyavî de peyde bibe ji aliyê biryarder û siyasetmedaran ve û pisporên stratîcîk li rojavayê bi giştî û li dewletên yekbûyî yê amerîkayê bi taybetî ko di van nêrînan de hate xuyakirin:

Di "kongirê kurd û gera li nasnamê" de ko li Waşîntonê bi çavdêriya birêz Nêçîrvan Barzanî di 17/4 2000-an de hate lidarxistin, diplomatê emerîkî pisporê karûbarên rojhilata navîn birêz Fransîs Rîtşardonî banga "bernameyekî nû yê destnîşankirina çarenûsê li gor sedsala nû û cîhangîriyê (gilobalîzim) û guherînên cîhanî" kir. Berî hingê jî beşdariya emerîkî a aktîvane di "kongirê Medrîd bo aşitiya erebî-israilî" de sala 1991-ê weke doza mafan û

destnîşankirina çarenûsê û hevjiyana aştîyane di navbera herdû milletan de mîna nîşanekê berev vebûna li ser pîrsgirêkên neteweyî, û serok Buş weke yekem serokê emerîkî ko banga avakirina dewleteke filistinî zindî kir û bi dirûşma: "du dewlet ji du milletan" re, hate naskirin. Balkêş bû ko rapora istixbaratên navendî yê amerîkayê CIA derbarê pêşeroja cîhanê di navbera 2000-2015-an de, texmîna hindê kirîzên neteweyî li rojhilata navîn dike dema şiyana "serxwebûna başûrê sûdanê û xwesteka kurdên iraqê bi serxwebûna xwe û gurbûna meyildariya serxwebûnê li nik kurdên îran û tirkî û sûriyê" destnîşankir. ramangîr-Birnard Liwîs-giringiya pîrsgirêka neteweyî tekez dike dema ko dibêje: "Dibe ko şer di navbera dewletan de biveya herî mezin be ko gefê li rojhilata navîn dixue lê şerên di nava dewletan bi xwe de, û dewletên erebî heye ko parçe bibin piştî belavbûna mafê neteweyan di

destnîşankirina çarenûsa xwe de, di vir de kurd neteweya herî giring in", di heman çarçoveyê de îdareya serok Bush ji mehên pêşîn ve destpêkir bi avakirina workşopeke ji 27 kesan ji siyasetmedar û ramangîran tevî 50 pisporî bi serkirdayetiya birêz Steven Morris bo bidûvçûna dosiyeya sûdanê û çareserkirina pîrsgirêka neteweyî ya başûrê wê li ser bingeha mafê neteweyan di destnîşankirina çarenûsa xwe de û bidawîkirina cengê û nehiştina "yek dewlet û du rêjîman", her weha nêrîneke emerîkî hevser derbarê gelên Yugoslavia berê û balkan û yekîtiya sovêtê a caran û tîmûra rojhilat, heye. Dîrok dê bibe şahid ko îdareya serok Boş piştgiriya dozên gel û neteweyên bindest û palpiştiya rojhilat navîneke nû bê tepeseriya neteweyî û nijadperestî kir û jimartina vê yekê weke lihevkirinekê bi berjewendiyên welatê xwe yê stratîcîk li rojhilata navîn û cîhanê bi giştî.